

Ex speciminibus typicis nullum prorsus inter *L. altissimam* et *sagittatam* discrimen.

Ar. Geogr. Delphinatus, Italia borealis, Moravia, Carnia, regio Danubialis, Rossia australis.

7. ***L. stricta*** (W.K. Pl. rar. Hung. I, p. 47, tab. 48) glabra, radice scapiformi, caule elato simplici folioso densiuscule paniculato-corymboso, foliis primordialibus (anni primi) petiolatis obovatis integris et runcinato-lyratis, caulinis (anni secundi) lyratis et runcinato-pinnatifidis laciniis patentibus oblongis rachideque irregulariter lobatodentatis, intermediis basi acute sagittatis, supremis linearibus integris, capitulis anguste cylindricis paucifloris, involucri glabri phyllis imbricatis obtusis ab externis triangulari-oblongis ad interna linearia auctis, flosculis luteis, acheniis nigris compressis utrinque quinquestratis basi angustioribus apice in rostrum concolor dimidio brevius attenuatis ②. *L. quercina* Spreng. Hal. 225 et forsán Linn. — *L. quercina* var. *pinnatifida* Bisch. Cich. p. 205. — Rehb. Ic. tab. 68.

Hab. in Caucasi monte Beschtau (M.B.), Iberiâ (M.B., Hoh.). E ditione nondum vidi.

β. *Armena*. — Foliorum laciniæ elongatæ angustatæ lineares. — *L. Armena* Boiss. in Ky. pl. Arm.

Hab. in quercetis Armeniæ Turcicæ australis prope Wardo 5000' (Ky. Suppl. 639!).

Auctores plures *L. strictam* pro varietate *L. sagittatæ* habent, capitula et achenia in utraq̃ue equidem fere similia, sed transitus quoad folia nunquam vidi.

Ar. Geogr. Germania orientalis, Pedemontium, regio Danubialis.

8. ***L. Wilhelmsiana*** (F. et M. in D.C. Prodr. VII, p. 134) glabra, radice tuberosâ subgloboâ, caule elato simplici laxè et strictè paniculato-corymboso, foliis primordialibus. . . , caulinis strictis a basi acute sagittatâ in lacinias utrinque 2-3 anguste et longè lineari-lanceolatas vix dentatas pinnatipartitis terminali cæteris simili, foliis summis indivisis, capitulis anguste cylindricis paucifloris, involucri glabri phyllis imbricatis ab infimis lanceolatis obtusis ad intima attenuato-acuminata sensim auctis, flosculis. . . , acheniis nigris compressis utrinque quinquestratis basi angustatis apice in rostrum concolor fere æquilongum attenuatis ②.

Hab. inter frutices et in glareosis fluvii Nakitschewantchaï Armeniæ Rosicæ (Szov!). Vid. in herb. D.C.

Tripedalis, laciniæ foliorum 1-1½-pollicares 1½-2½ lin. latæ, capitula sublongiora eis *L. strictæ* cui affinis est et a quâ præter lacinias angustas elongatas vix dentatas foliorum quantum ex specimine unico dijudicandum differt formâ radicis, phyllis internis attenuato-acuminatis et rostro longiore.

9. ***L. virosa*** (L. Sp. 1119) radice longè fusiformi, caule elato folioso sæpe ramoso inferne interdum parce aculeolato superne patent-